

嗽口咒曰楊枝搗口眼明好願得一枝供大道道在一樹多名香願將身心奉三寶

科曰出家同道與俗有乖是我法徒共相掩蔽匿惡舉善通互生恩使遠近稱揚通令深信

論云天下善人少不善人多今時之人吹毛

覓瑕互相讒嫉不知己過強毀他非設有一善爭相毀謗不能改身就善乃欲敗善同惡

故壞道法專由此人大德尊者深研約語

科曰盜造像物罪同十惡若盜將他家相緣

路告訖又取物入已被八門長考萬劫無出

科曰盜十方齋供衆物或為頭首私自入己入火坑獄萬劫方出更入鄴都六十年考長為餓鬼

科曰若有惡口赤舌凶徒惡黨以相羣聚常懷遠離設使偶會情不獲已須要口順心若不能行災為切害

科曰凡人為道威儀不足皆為犯科以此示

子子明審之仙公奉科稽首而退
洞玄靈寶千真科

洞玄靈寶長夜之府九幽玉匱明真科 亦六

元始天尊時在香林園中與七千二百四十

童子俱教化諸法度身成光於是

天尊放五色光明徹照諸天長樂福堂十方

元極世界地獄是時童子俱在一處見諸天

福堂男女善人逍遙無為衣食自然普見无

極世界地獄之中囚徒謫役餓鬼死魂裸身

無衣頭脚鎖械足立刀山身負鐵杖大小相

牽五體爛壞無復人形飢則食炭渴飲火精

流曳三塗八難之中爾時上智童子閉眼伏

地稽首上白

天尊今日侍座得見諸大地獄之中善惡命

根心振意懼五神悲惶敢緣天慈曲逮無窮

欲有所問惟願

天尊有以開悟愚蒙之心直垂訓厲敷演玄

教令衆得明來世之人不見科戒方當履向

五濁毒湯遭難遇害不能度身是男是女皆

當如今所見地獄囚徒餓鬼謫役之魂億劫

塗炭而不得還無知受對甚可哀傷願使禁

戒明真科律以為來生人世作善因緣世世

可得蒙此大福免離苦根度脫三塗上昇天堂

元始天尊曰善哉善哉子之所問要乎深矣

長夜之府九幽玉匱明真科律具說罪福宿

命因緣善惡報應解拔苦根戒人治行身入

光明遠惡就善終歸福門其法弘普廣度天

人生死蒙惠免脫八難身超三界受慶自然

世世歡樂享祚無窮今以相告密遵之焉上

智童子前進作禮長跪稽首上白

天尊言不審今所普見諸天福堂及无極世

界地獄之中善惡報應悉何因緣所從而來

生世何修而得飛行逍遙上清位登高仙生

世何緣身得尸解滅度無為生世何緣死而

不休後還更生世何緣死補天官身有光

明生世何緣死生諸天為太上之賓生世何

緣死無拘閉與五帝交游生世何緣死得受

誦為地上靈神生世何緣死為衆聖策駕雲

中生世何緣死昇福堂衣食自然生世何緣

死昇南宮即生人中生世何緣死入地獄長

夜無窮生世何緣死受楚毒萬痛加身生世

何緣死不得食餓鬼之中生世何緣死受分

離破裂身形生世何緣死充囚徒流曳三官
生世何緣死入鑊湯無復人身生世何緣死
循劍樹風刀往還生世何緣頭面焦燎頭戴
火山生世何緣身無衣服鐵杖負身生世何
緣身被髡截負石無閑生世何緣死受鎖械

幽閉三光生世何緣驅馳苦極食息無寧生
世何緣拔出其舌鐵錐刺之生世何緣死沒
溟波以灌四瀆今見地獄之中有如此輩生
何所犯而受斯對魂神苦痛乃至如此不審
幾年當得解脫解脫之日當生六畜為還人
中願為分別解說命根為說來生作善因緣
如蒙開悟即受聖恩

天尊於是命召十方飛天神人披長夜之府
九幽玉墮出明真科律以度童子是時諸天
大聖无極尊神神仙玉女無鞅數衆不可勝
計同時詣座天洒香花神龍伎樂飛歌四暢
瓊音流逸天朗氣清澄無氛翳日童灌精月
女散花流光四合照曜諸天百和洗穢神風
掃塵河海潛伏山嶽吞煙龍鱗踊躍神人普
懽生死開泰福慶普隆五苦解脫九幽救魂

長徒披散上昇天堂男女懽悅長樂欣欣諸
天稱慶伏聽訣言

明真科曰生世好學棄色斷情長齋持戒晨
夜誦經不倦時刻惟道自營恬和六行心柔
意玄想念在法輪轉生死願心不絕世世因
緣名書金格列字九天致得乘虛白日飛行
駕景策龍上登玉清

明真科曰生世好學修行經教吞精咽炁恒
無倦怠持齋服御吐納自練積功布德名書
上清致得尸解下仙遊行五嶽後生人中更
受經法為人宗師轉輪道備克得上仙白日
飛行位及高真

明真科曰生世鍊真服御神丹五石鎮生神
室五宮功微德俠運未昇天身受滅度而骸
骨芳盈億劫不休須臾返形便更受生還為
人中智慧聰達逆知吉凶運通徹視役使鬼
神輪轉不絕克得受書為九宮真人
明真科曰生世好法收鬼治病佐天正炁驅
馳謹按不犯科戒施為得法功德巍巍為地
祇所稱名上諸天死昇南宮受號上補諸天

都官總領鬼神後更受生還為人宗隨世教
化洞明自然輪轉不絕位及神仙

明真科曰生世念善敬樂神明供養三寶禮
受師宗命過昇天為太之上賓後生人中得
為人尊三界所敬鬼神所稱門戶清貴天人
所欣於此而學宗受大經修齋持戒廣見福
田功滿德足克得神仙

明真科曰生世好道遊涉名山八節本命禮
請神明燒香願樂恒無暫忘施窮救厄濟度
衆生敬仰師寶感應諸天五帝所舉名言青
宮命過克得徑昇五嶽死無拘閉與五帝周
旋後生人中身受大經神明備衛威制五方
靡不回伏適意所從神丹玉芝不求自豐身
生水火變化萬端因緣不絕克得受號五帝
真人

明真科曰生世勇猛平斷四方佐時正炁誅
除姦凶心清身淨行合神明後死魂昇南宮
受書為四極明公或為善典之神後生人中
通靈徹視坐致自然三官所敬天人所宗救
度厄命廣作大功因緣不絕克自得入无為

道真

明真科曰生世敬信修奉智慧上品十戒積諸善功供養法師燒香燃燈佐天光明照耀十方施惠有德念度衆生死昇東華受號飛天位比太和十轉弟子爲衆聖策駕遊行雲

中後生貴家侯王之門世歡樂恒值明師修受經法建大善功諸天所敬神明所宗天人所仰坐致自然福慶巍巍難可爲勝功滿德就白日昇天

明真科曰生世願樂宗奉至經供養三寶廣開法門捐棄財物散施貧民供師法服建立治堂明燈照夜九幽之中見世光明死昇天堂逍遙歡樂衣食自然後生富貴國王之門世世慶祚與善因緣又於貴戚供養殊精修齋持戒濟度衆生地司所稱名上諸天功滿德足身有光明項生圓象白日飛行上昇女都位爲仙王

明真科曰生世奉師供養道經長齋持戒不違天科燒香燃燈照耀諸天朗徹九幽長夜光明七祖歡泰無復憂患身行善功大建福

田廣度一切惠流衆生仙運未滿法應更滅死昇南宮即得更生還生貴門帝王宮中適意從容於此發願精誠殊勤心不退轉施功日新三界所稱名書上清滅度運充克得飛行上昇太極位登仙公

飛天神人曰長夜之府九幽玉匱明真科品上牒十善因緣治行所得積善之功名題諸天金簡玉字神仙品中運未昇度應經輪轉死昇天堂衣飯自然逍遙無爲福慶難勝還生富貴帝王之門世歡樂與道因緣承此之基勤修大法廣立善功情不懈怠志行日

新三界所稱克得神仙若於福中不能勤心縱情退轉還入惡門施行凶逆所作不忠犯諸非法沉輪惡根一失善階無有還緣來生諸賢善思吾言於是諸天大聖七千二百四

十童子同時稱善飛天神人說十善因緣功德報應畢諸天童子歡喜作禮是時飛天神人而作頌曰

勤行奉齋戒誦經制六情致得乘空飛曜景上玉清精心奉經教吐納練五神功德冠諸

天輪轉成上仙苦行修生道服藥鍊芝英滅度形不休體骨自香芳精苦明鬼法驅馳以効功滅度補都官後生爲人宗受道敬神明供養三寶真生世爲人尊滅度太上賓八節遊名山願念度衆生位登五帝友後生有威

嚴勇猛平正心回惡滅姦凶三官所畏敬得爲天人宗敬信奉十戒燒香恒明燈功齊十轉報位得及飛天供養三寶經施散立功勤滅度昇天堂後生國王門奉師過奉神欣欣對真經生處貴門中滅度三界庭

明真科曰无極世界男女之人生世身行不念爲善動爲惡根攻伐師主讒擊善人殺害無道不念衆生酷虐爲行陰懷謀逆嫉妬勝已抑絕賢明死受惡對拘閉罪魂往入地獄長夜之中諸痛備加若毒難勝萬劫當還生非人之道永失福門長淪罪塗往返無窮不得開度億劫無緣

明真科曰无極世界男女之人生世身行發心舉意恒惡爲先苦酷無度謫害忠良毀善長惡謗擊賢人死受惡對牛頭犍身晝夜考

掠楚毒難言身體膿壞無復人形萬劫當還
生邊夷之國有人之形無人之情永生人道
長淪罪門流曳五苦八難之中不得開度億
劫無還

明真科曰无極世界男女之人生世慳貪惟
欲益已不念施人割奪四輩神人為冤啖食
無厭自饒一身死受惡對為餓鬼畜生吞火
食炭怕不得充身體焦爛无復人形流曳塗
炭苦毒難言萬劫當生六畜之中永失人道
長淪異形不得開度望反甚難

明真科曰无極世界男女之人生世富貴凌
虐貧賤奪人所愛離人種親分骨肉各在
一方或六親通同姦犯骨肉斯罪深重死受
破裂身形分離頭首異處魂鬼覓截銀鑄鎖
械往返鐵鉞之上食息不得一日三掠乃得
還生牛馬之身以報宿冤永失人道長淪罪
根不得開度億劫異形

明真科曰无極世界男女之人生世惡逆咒
詛善人叫喚神鬼質替三官殺生姦祀禱祭
邪神歌舞妖孽自稱姑即貪啖百姓妄作無

端賊滿罪定死受惡對魂鬼囚徒流曳三官
五獄之中一日三掠痛苦難言萬劫當得還
生賤人或嬰六極無人之形沉淪罪深望反
冥冥不得開度福道無緣

明真科曰无極世界男女之人生世所犯手
殺君父謀反師主賊害人命恃強抑弱攻擊
善人官府怨酷橫權无端枉者稱訴怨對彌
天或裸露三光穢慢比君不敬天地不畏鬼
神毀滅經教穢辱天真死受惡對身入鑊湯
五體焚潰無復人形百毒之汁以灌其上痛
不可居苦難不任萬劫當生六畜之中或為

賤人聾盲六疾非人之形任人殺活以報宿
怨福路日遠罪根日深不得開度長淪無還
明真科曰无極世界男女之人生世所行不
信大法不敬神明或浮好三寶執心不專輕
怠經法穢慢靈文或傳受弟子不依科年或
不關天地私傳無盟自作一法違負四明或
齋戒怠慢疑忽上真其罪深重死被髡鉗循
上劍樹八達交風吹樹低昂足落刀山往返
無數身體爛傷痛不可忍憂不可壬萬劫當

得還生下愚之中或嬰六疾聾盲不聽長與
道隔永遠學門轉輪五苦沉淪罪由不得開
度長值惡根

明真科曰无極世界男女之人生世所行評
詳四輩攻擊天人不慈不孝不仁不忠冒辱
父母六親相殘或烹殺六畜割剔殘傷天殺
狩命屠毒衆生其罪深逆死受酷對吞火食
炭為火所燒頭面焦燎通體爛壞無復人形
身負鐵鑊頭戴火山痛非可忍考不可擔當
得還生六畜之中任人殺活以酬昔怨永失
人道長淪罪根不得開度何由得道

明真科曰无極世界男女之人生世淫祠叛
道入邪誹笑道士嘗毀真人輕慢三寶棄法
入偽恣意無道不信宿命自作一法或掘人
骸骨暴露草野其罪深重死受重對裸身無
衣內負鐵杖五體膿爛不可勝忍萬劫當得還
生下愚之中癡聾無知或受邪病非復人道福
路長革與罪為緣不得開度億劫無還

明真科曰无極世界男女之人生世無道劫盜人
物肆行凶逆傷害人命刀戟刺射無所顧慮

換貨不還取求無足其罪深重死受殃對身
形髡截負山擔石食息無閑不捨晝夜塗炭
辛苦非可堪忍萬劫當得還生牛馬之中以
力報怨縱生人道當受殘傷刑獄幽繫流曳
八難求死不得憂惱自嬰不得開度永淪罪門
明真科曰无極世界男女之人生世無道乘
暗而行夜入人家掠人妻妾奪人衣服謀圖
不軌傷殘男女死受重罪頭脚鎖械幽閉三
老不見日月考掠楚痛非可堪忍萬劫當得
還生下人之中為人伏使任人鞭杖或聾盲
無目為人所牽以報宿怨永去善道惡根日
深長淪億劫不得開度
明真科曰无極世界男女之人生世無道不
念善緣三春游獵放鷹走犬張羅布網放火
燒山射野獸殺害眾生其罪酷逆死充重
殃身負鐵杖萬痛交行驅馳百極食息無寧
死魂苦毒非可堪當萬劫當生野獸之身恒
被燒斫以報宿怨縱橫人道恒遭惡人萬劫
鞭迫憂苦自嬰福路日遠罪根日臻不得開
度長夜綿綿

明真科曰无極世界男女之人生世立行惡
口赤舌闐亂中外評論道德毀辱天真不信
經法口是心非潛行謀惡攻擊四輩走作人
物形名男女天人冤對罵詈無度聲言醜穢
叫喚鬼神更相呪詛其罪深重死受苦毒拔
出其舌鐵錐刺之巨天力士鐵杖亂打無復
限極身體爛壞不可為忍萬劫當還受形為
犬恒使吠人任人打扑縱橫人中當生邊夷
非人之類百惡所歸以報宿對永失人道無
有歸期流連罪門不得開度

明真科曰无極世界男女之人生世立行馳
酒好色恍惚失性徇狂迷惑五情亂離去神
損氣因醉貪慾為惡不覺叫喚罵詈獨作無
對打擊善人機慢道法誘毀經教背真入偽
違負口信欺誘四輩所行失道罪有深逆死
受重對魂神苦劇連汲溟波以灌四瀆謫作
江河晝夜無息鉤鑿鎖械相牽流曳冥冥長
夜終無解脫萬劫當生賊人之中貧賤陋疾
為人所惡以報宿怨因緣之對福路日遠罪
根日結不得開度無由得出

飛天神人曰長夜之府九幽玉匱明真科律
一十四條罪報之目先身積行負逆惡對善
善相係惡惡相續往返相加以致不絕既失
人道轉不自覺沉淪六畜畜生之類縱還人
中癡愚之極或生邊夷或嬰六疾相牽流曳
萬劫無出生世無幾死日長閉一失善路永
幸賢域冥冥長夜何時得脫來生男女明自
厄勵建立大功以自拔贖身受十戒可免此
厄善誠吾言慎勿忘失於是諸天大聖真人
七千二百四十童子一時稱善飛天神人說
行惡受對一十四條惡根因緣不絕之科畢
諸天童子歡喜作禮於是飛天神人而作頌曰
生世不善念酷虐攻師寶死受萬痛毒萬劫
失人道苦酷諂忠良諛謗擊賢人生世處邊
夷死受牛馬身慳貪惟欲得不念施眾生死
魂為餓鬼後生六畜形富貴凌貧賤離棄人
種親身受破裂報魂鬼被髡鉗呪詛無辜人
淫祀僻邪神流曳三塗中萬劫生賤身謀逆
虐君父穢辱毀天真死入鑊湯煮苦痛不得
還執心不專固輕慢天寶經命過循劍樹風

刀無暫停不念懷慈心酷毒害衆生死魂負
鐵鍊萬劫戴火山叛道向邪神誓毀背負人
死形無衣披鐵杖不去身劫盜人財物斫刺
於天民死魂受髡截生世被刑殘乘暗入人
家肆意適所行死魂長幽閉不見日月光積
行不念仁遊獵捕衆生鐵杖以報怨驅馳無
慙寧凶性作口舌鬪亂無踈親死受拔舌報
後生恒吠人好酒失本行五神並猖狂死汲
溟波水濯沃四潰中

於是飛天神人偈誦善惡因緣報應以告諸
天童子是時天人莫不開悟咸見命根普思
宿昔所行罪源改心自勵修奉經文宿責披
散九幽肅清皆得更生善緣之中諸天童子
伏受法音一時歡喜作禮而去
九幽玉匱罪福緣對拔度上品曰

太上道君前進作禮上白
天尊今日侍座得見童子受諸威光普照諸
天福堂及无極世界地獄之中善惡報應善
樂不同善者歡泰逍遙無窮惡者塗炭泥鬼
八難無復身形甚可哀傷如此之報受惡因

緣德劫長對不識命根不審可有功德拔贖
開度死魂令出長夜九幽之中身入光明更
主福門如蒙慈愍生元荷恩亡者聞樂見世
興隆富貴昌熾壽命久長則雲陰八遐風灑
蘭林來生男女得聞法音惟願天尊分別解

說授以訣言令衆見明科一切得安
天尊告太上道君曰諦聽吾言善思善識對
於中心辰夜存念慎勿使忘吾今爲汝解說
妙音可得依用拔贖罪魂開出長夜九幽入
難宿對披散轉入信根生元歡樂世世因緣
其法高妙萬劫一傳世有賢明誓言告焉密
則福降泄則惡臻風刀之戒告於明真造犯
科律勿怨諸天於是

天尊會飛天神人說罪福緣對拔度上品當
說經時諸天日月星宿朗曜普照九地无極
世界長夜之府九幽之中長徒餓鬼責役死
魂身受光明普見命根於是自悟一時迴心
咸使思善念還福門五苦解脫三塗蒙還宿
對披釋地獄寧開是時男女普聞法音預以
有心悉得神仙

飛天神人曰九幽玉匱拔度死魂罪對上品
常以正月三月五月七月九月十一月一年
六月月一日八日十四日十五日十八日二十三
日二十四日二十八日二十九日三十日一
月合十日及八節日甲子日庚申日於宮中

庭安一長燈令高九尺於一燈上然九燈每
令光明上照九玄諸天福堂下照九地无極
世界長夜之中依威儀具法開啓上請天仙
地仙真人飛仙日月星宿九宮五帝五嶽三
河四海兵馬各九億萬騎三十二天監齋直
事侍香金童散花玉女五帝直符各三十二
人傳言奏事飛龍騎吏等一合來下監照齋
堂拾香願念應口上徹行道事竟皆還天宮
畫則燒香夜則然燈使香煙不絕息露經中
庭於九燈之下繞燈行道香願念畢次向

東九拜言某甲今皈命
東方无極太上靈寶天尊已得道大聖衆至
真諸君丈人九炁天君東鄉諸靈官今故立
齋燒香然燈願以是功德照曜諸天普爲帝
王國主君官吏民受道法師父母尊親同學

門人隱居山林學真道士諸賢者蠢飛蠕動
跛行蝟息一切衆生普得免度十苦八難長
居無為普度自然某家億曾萬祖囚徒先魂
開諸光明咸得解脫轉入信根去離五道開
度因緣死者長樂生世蒙恩天下太平道德
興隆今故燒香自皈依師尊大聖衆至真之
德得道之後昇入無形與道合真

畢叩頭自搏各八十一過止

次南向三拜言某甲今皈命

南方无極太上靈寶天尊已得道大聖衆至
真諸君丈人三炁天君南鄉諸靈官今故立
齋燒香然燈願以是功德照曜諸天普為帝
王國主君官吏民受道法師父母尊親同學
門人隱居山林學真道士諸賢者蠢飛蠕動
跛行蝟息一切衆生普得免度十苦八難長
居無為普得自然某家億曾萬祖囚徒先魂
開諸光明咸得解脫轉入信根去離五道開
度因緣死者長樂生世蒙恩天下太平道德
興隆今故燒香自皈依師尊大聖衆至真之
德得道之後昇入無形與道合真

畢叩頭搏頰各二十七過止

次西向七拜言某甲今皈命

西方无極太上靈寶天尊已得道大聖衆至
真諸君丈人七炁天君西鄉神仙諸靈官今
故立齋燒香然燈願以是功德照曜諸天普
為帝王國主君官吏民受道法師父母尊親
同學門人隱居山林學真道士諸賢者蠢飛
蠕動跛行蝟息一切衆生普得免度十苦八
難長居無為普度自然某家億曾萬祖囚徒
先魂開諸光明咸得解脫轉入信根去離五
道開度因緣死者長樂生世蒙恩天下太平
道德興隆今故燒香自皈依師尊大聖衆至
真之德得道之後昇入無形與道合真

畢叩頭自搏各六十三過止

次北向五拜言某甲今皈命

北方无極太上靈寶天尊已得道大聖衆至
真諸君丈人五炁天君北鄉諸靈官今故立
齋燒香然燈願以是功德照曜諸天普為帝
王國主君官吏民受道法師父母尊親同學
門人隱居山林學真道士諸賢者蠢飛蠕動

跛行蝟息一切衆生普得免度十苦八難長
居無為普度自然某家億曾萬祖囚徒先魂
開諸光明咸得解脫轉入信根去離五道開
度因緣死者長樂生世蒙恩天下太平道德
興隆今故燒香自皈依師尊大聖衆至真之
德得道之後昇入無形與道合真

畢叩頭搏頰各四十五過止

次東北向一拜言某甲今皈命

東北方无極太上靈寶天尊已得道大聖衆
至真諸君丈人炁天君東北鄉諸靈官今
故立齋燒香然燈願以是功德照曜諸天普
為帝王國主君官吏民受道法師父母尊親
同學門人隱居山林學真道士諸賢者蠢飛
蠕動跛行蝟息一切衆生普得免度十苦八
難長居無為普度自然某家億曾萬祖囚徒
先魂開諸光明咸得解脫轉入信根去離五
道開度因緣死者長樂生世蒙恩天下太平
道德興隆今故燒香自皈依師尊大聖衆至
真之德得道之後昇入無形與道合真

畢叩頭搏頰各九過止

次向東南一拜言某甲今皈命

東南方无極太上靈寶天尊已得道大聖眾
至真諸君丈人梵炁天君東南鄉諸靈官今
故立齋燒香然燈願以是功德照耀諸天普
為帝王國主君官吏民受道法師父母尊親

同學門人隱居山林學真道士諸賢者蠢飛
蠕動跂行蚺息一切眾生普得免度十苦八
難長居無為普度自然某家億曾萬祖因徒

先魂開諸光明咸得解脫轉入信根去離五
道開度因緣死者長樂生世蒙恩天下太平
道德興隆今故燒香自飯依師尊大聖眾至
真之德得道之後昇入無形與道合真

畢叩頭搏頰各九過止
次西南向一拜言某甲今皈命

西南方无極太上靈寶天尊已得道大聖眾至
真諸君丈人梵炁天君西南鄉諸靈官今故
立齋燒香然燈願以是功德照耀諸天普為
帝王國主君官吏民受道法師父母尊親同
學門人隱居山林學真道士諸賢者蠢飛蠕
動跂行蚺息一切眾生普得免度十苦八難

長居無為普度自然某家億曾萬祖因徒先
魂開諸光明咸得解脫轉入信根去離五道
開度因緣死者長樂生世蒙恩天下太平道
德興隆今故燒香自飯依師尊大聖眾至真
之德得道之後昇入無形與道合真

畢叩頭搏頰各九過止
次向西北一拜言某甲今皈命

西北方无極太上靈寶天尊已得道大聖眾
至真諸君丈人梵炁天君西北鄉諸靈官今
故立齋燒香然燈願以是功德照耀諸天普
為帝王國主君官吏民受道法師父母尊親
同學門人隱居山林學真道士諸賢者蠢飛
蠕動跂行蚺息一切眾生普得免度十苦八
難長居無為普度自然某家億曾萬祖因徒

先魂開諸光明咸得解脫轉入信根去離五
道開度因緣死者長樂生世蒙恩天下太平
道德興隆今故燒香自飯依師尊大聖眾至
真之德得道之後昇入無形與道合真
畢叩頭搏頰各九過止
次向上方三十一拜言某甲今皈命

上方无極太上靈寶天尊已得道大聖眾至
真諸君丈人三十二天帝君王京玄都紫微
上宮諸真人玉女神仙靈官今故立齋燒香
然燈願以是功德照耀諸天普為帝王國主
君官吏民受道法師父母尊親同學門人隱

居山林學真道士諸賢者蠢飛蠕動跂行蚺
息一切眾生普得免度十苦八難長居無為
普度自然某家億曾萬祖因徒先魂開諸光
明咸得解脫轉入信根去離五道開度因緣
死者長樂生世蒙恩天下太平道德興隆今
故燒香自飯依師尊大聖眾至真之德得道
之後昇入無形與道合真

畢叩頭自搏各二百八十八過止
次向下方一十二拜言某甲今皈命

下方无極太上靈寶天尊已得道大聖眾至
真諸君丈人九壘土皇四司五帝十二仙官
五嶽四瀆九宮真人神仙玉女无極世界地
祇諸靈官今故立齋燒香然燈願以是功德
照耀无極世界長夜之府九幽之中普為帝
王國主君官吏民受道法師父母尊親同學

門人隱居山林學真道士諸賢者及巨冢億
曾萬祖長夜死魂先身所犯天禁地戒罪惡
纏結死受宿對往返塗炭因緣不絕流曳五
苦長徒無脫乞今燒香然燈懺謝以自拔贖
光明普照長夜之府九幽地獄解出幽魂罪
根散釋三官九署不見拘閉開度昇遷得入
福堂去離惡道恒居善門生世歡樂普天安
寧今故燒香自皈依師尊大聖衆至真之德
得道之後昇入無形與道合真

畢叩頭自搏各一百二十過止

○飛天神人曰明具科品凡拔度億曾萬祖宿
罪惡根行道如法則九幽開通長徒死魂身
受光明大慈之道無量福田夫屈折禮拜叩
頭自搏以施遜謝之辭而心丹意盡精誠苦
到自然感徹身體疲弊不任牽曳自可心拜
於天真無煩於屈折苟外飾而心怠亦勞形
於禮拜爾信向之士心口相應捨香感願已
徹諸天生死罪對靡不散釋然此功德甚重
三界所稱福德巍巍難可載焉
太上道君稽首上白

天尊今聞飛天神人說罪福緣對拔度上品
陳請禮謝解釋宿根來生男女當受其恩善
得開度身入光明爲善如是復有餘方不審
天有重災國祚不安星宿越錯四氣失常兵
疫疾厄帝王不寧毒瀉流布天人死傷當作
何法以禳其災拔度厄難解諸不祥願垂教
旨可得修行和天安地佐國立功如見訓教
則恩布十方國祚安鎮帝王興隆天下歡泰
福慶無窮來世一切普聞法音於是

○天尊告飛天神人而說罪福緣對拔度上品
救度國土災疾危厄災難未盡者便可盡爲
對太上道君一一說之使未見者見未聞者
聞普教一切令衆見光明於是說之善受訣
言飛天神人曰長夜之府九幽玉匱明真科
法帝王國土疾疹兵寇危急厄難當丹書靈
寶真文五篇於中庭五案置五方一案請一
篇真文以上金五兩一兩作一龍五兩分作
五龍以鎮五篇文上又以五色紋縵之信以
鎮五帝有災之身隨年齋紫文之縵拔度身
命安鎮國祚禳解天灾明星列宿春則然九

燈亦可九十燈亦可九百燈夏則然三燈亦
可三十燈亦可三百燈秋則然七燈亦可七十
燈亦可七百燈冬則然五燈亦可五十燈亦
可五百燈四季之月則然燈十二亦可百二
十燈亦可千二百燈又安一長燈長九尺上
安九燈置中央以照九幽長夜之府明達大
法師於中央披頭散結依訣塗炭六時請謝
中庭行事若清信男女佐國祈請當於門外
散髮塗炭陳情春則九日九夜夏則三日三
夜秋則七日七夜冬則五日五夜四季則十
二日十二夜羅列光明照耀諸天无極世界
長夜之中則九幽開清光入無窮三景朗照
天地安寧星宿復位四時和平萬灾咸消兵
疾不行天人歡泰國祚興隆行道日竟當燒
真文散之青煙

○飛天神人曰法師從地戶入燒香繞香燈三
週還東向立叩齒三十六通發爐

次發爐

无上三天玄元始三炁太上道君召出巨身
中三五功曹左右官使者左右捧香驛龍騎

史侍香金童傳言玉女五帝直符各三十六人出出者嚴裝關啓土地里域四面真官臣今正爾燒香行道願使十方正真之炁入臣身中所啓速達徑御
太上元極大道至尊玉皇上帝御前

次各稱法位

三洞大法師小兆臣某上啓

虛元自然元始天尊元極大道太上道君太上老君高上玉皇已得道大聖衆至真諸君文人三十二天帝玉虛上帝玉帝大帝東華南極西靈北真玄都玉京金闕七寶玄臺紫微上宮靈寶至真明皇道君臣宿命因緣生值法門玄真啓拔得入信根先師盟授三寶神經法應度人九萬九千位登至真臣祖世以來逮及今身生值經教常居福中功德臣德少未能自仙志竭臣命佐國立功今國土失和兵病並興陰陽否激星宿錯行災疾重厄其事云云或慮帝王受天禪祚總監兆民未周施惠廣潤十方使天人豐沃欣國太平而行無歌詠路致吞聲故三景昏錯大灾流行

帝王憂惕兆民無寧今謹依大法披露真文燒香然燈照曜諸天信誓自效行道謝殃願上請天仙兵馬九億萬騎地仙兵馬九億萬騎真人兵馬九億萬騎飛仙兵馬九億萬騎神人兵馬九億萬騎日月兵馬九億萬騎星宿兵馬九億萬騎九宮兵馬九億萬騎五帝兵馬九億萬騎五嶽兵馬九億萬騎三河四海兵馬九億萬騎三十二天監齋直事侍香金童散花玉女五帝直符各二十二傳言奏事飛龍騎吏等一合來下監臨齋室臣香願念應口上徹須行道事竟有功勤者言功臣官

次三捨上香

三洞大法師小兆臣某今故立直初捨上香願以是功德爲臣

帝王國主君臣吏民普天七世父母去離憂苦上昇天堂今故燒香臣身臣神臣命臣大道臣體臣投地臣飯命臣太上三尊願以是功德歸流普天七世父母乞免離十苦八難上昇天堂衣食自然長居

無爲今故燒香自臣飯依師尊大聖衆至真之德得道之後昇入無形與道合真臣今故立直二捨上香願以是功德爲帝王國主君臣吏民受道法師父母尊親同學門人隱居山林學真道士諸賢者願各得其道臣身臣神臣命臣大道臣首體投地臣飯命臣太上三師願以是功德歸流

帝主國主君官吏民受道法師父母尊親同學門人隱居山林學真道士諸賢者願各得其道安居無爲長享福祚今故燒香自臣依師尊大聖衆至尊之德得道之後昇入無形與道合真臣今故立直三捨上香願以是功德令臣得仙道友九種姻親國中同法學士天下民人及隨飛蠢動跋行蛸息一切衆生已生夫生並乞成就臣身臣神臣命臣大道臣首體投地臣飯命臣

太上三尊願以是功德歸流臣身今得仙度終入無爲與四大合德天下人民一切衆生並得免離十苦八難五毒水火賊疫鬼害灾

厄之中國土安寧天下興隆今故燒香自皈
依師尊大聖眾至真之德得道之後昇入無
形與道合真

次東向九拜言曰

天地否激陰陽相刑四時失和灾害流生星
宿錯綜以告不祥國土擾亂兵病並行帝王
憂傷兆民無寧謹依大法披露真文皈命
東方无極太上靈寶天尊已得道大聖眾至
真諸君丈人九炁天君東鄉諸靈官今故立
齋披心露形引求自剋為國謝殃燒香然燈
照曜諸天下暎无極長夜之中九幽之府開
諸光明願以是功德為
帝王國主君官吏民解灾却患三景復位五
行順常兵止病愈國祚興隆兆民惟泰人神
安寧今故燒香皈身皈神皈命師尊大聖眾
至真之德得道之後昇入無形與道合真
叩頭自搏八十一過止次南向三拜言曰
天地否激陰陽相刑四時失和灾害流生星
宿錯綜以告不祥國土擾亂兵病並行帝王
憂傷兆民無寧謹依大法披露真文皈命

南方无極太上靈寶天尊已得道大聖眾至
真諸君丈人三炁天君南鄉諸靈官今故立
齋披心露形引求自剋為國謝殃燒香然燈
照曜諸天下暎无極長夜之中九幽之府開
諸光明願以是功德為

帝王國主君官吏民解灾却患三景復位五
行順常兵止病愈國祚興隆兆民惟泰人神
安寧今故燒香皈身皈神皈命師尊大聖眾
至真之德得道之後昇入無形與道合真
叩頭自搏各二十七過止次西向七拜言曰

天地否激陰陽相刑四時失和灾害流生星
宿錯綜以告不祥國土擾亂兵病並行帝王
憂傷兆民無寧謹依大法披露真文皈命
西方无極太上靈寶天尊已得道大聖眾至
真諸君丈人七炁天君西鄉諸靈官今故立
齋披心露形引求自剋為國謝殃燒香然燈
照曜諸天下暎无極長夜之中九幽之府開
諸光明願以是功德為
帝王國主君官吏民解灾却患三景復位五
行順常兵止病愈國祚興隆兆民惟泰人神

安寧今故燒香皈身皈神皈命師尊大聖眾
至真之德得道之後昇入無形與道合真

叩頭自搏各六十三過止次北向五拜言曰

天地否激陰陽相刑四時失和灾害流生星
宿錯綜以告不祥國土擾亂兵病並行帝王
憂傷兆民無寧謹依大法披露真文皈命
北方无極太上靈寶天尊已得道大聖眾至
真諸君丈人五炁天君北鄉諸靈官今故立
齋披心露形引求自剋為國謝殃燒香然燈
照曜諸天下暎无極長夜之中九幽之府開
諸光明願以是功德為

帝王國主君官吏民解灾却患三景復位五
行順常兵止病愈國祚興隆兆民惟泰人神
安寧今故燒香皈身皈神皈命師尊大聖眾
至真之德得道之後昇入無形與道合真
叩頭自搏各四十五過止次東北向一拜
言曰
天地否激陰陽相刑四時失和灾害流生星
宿錯綜以告不祥國土擾亂兵病並行帝王
憂傷兆民無寧謹依大法披露真文皈命

東北方无極太上靈寶天尊已得道大聖衆
至真諸君丈人梵炁天君東北鄉諸靈官今
故立齋披心露形引求自剋為國謝殃燒香
然燈照曜諸天下暎无極長夜之中九幽之
府開諸光明願以是功德為

帝主國王君官吏民解灾却患三景復位五
行順常兵止病愈國祚興隆兆民懽泰人神
安寧今故燒香皈身皈神皈命師尊大聖衆
至真之德得道之後昇入無形與道合真

叩頭自搏九過止次東南向一拜言曰

天地否激陰陽相刑四時失和灾害流生星
宿錯綜以告不祥國土擾亂兵病並行帝王
憂傷兆民無寧謹依大法披露真文皈命
東南方无極太上靈寶天尊已得道大聖衆
至真諸君丈人梵炁天君東南鄉諸靈官今
故立齋披心露形引求自剋為國謝殃燒香
然燈照曜諸天下暎无極長夜之中九幽之府
開諸光明願以是功德為
帝主國王君官吏民解灾却患三景復位五
行順常兵止病愈國祚興隆兆民懽泰人神

安寧今故燒香皈身皈神皈命師尊大聖衆
至真之德得道之後昇入無形與道合真

叩頭自搏各九過止次西南向一拜言曰

天地否激陰陽相刑四時失和灾害流生星
宿錯綜以告不祥國土擾亂兵病並行帝王

憂傷兆民無寧謹依大法披露真文皈命

西南方无極太上靈寶天尊已得道大聖衆

至真諸君丈人梵炁天君西南鄉諸靈官今

故立齋披心露形引求自剋為國謝殃燒香

然燈照曜諸天下暎无極長夜之中九幽之

府開諸光明願以是功德為

帝主國王君官吏民解灾却患三景復位五

行順常兵止病愈國祚興隆兆民懽泰人神

安寧今故燒香皈身皈神皈命師尊大聖衆

至真之德得道之後昇入無形與道合真

叩頭自搏九過止次西北向一拜言曰

天地否激陰陽相刑四時失和灾害流生星
宿錯綜以告不祥國土擾亂兵病並行帝王
憂傷兆民無寧謹依大法披露真文皈命
西北方无極太上靈寶天尊已得道大聖衆

至真諸君丈人梵炁天君西北鄉諸靈官今
故立齋披心露形引求自剋為國謝殃燒香
然燈照曜諸天下暎无極長夜之中九幽之
府開諸光明願以是功德為

帝主國王君官吏民解灾却患三景復位五

行順常兵止病愈國祚興隆兆民懽泰人神

安寧今故燒香皈身皈神皈命師尊大聖衆

至真之德得道之後昇入無形與道合真

叩頭自搏各九過止次西北向上方三十

二拜言曰

天地否激陰陽相刑四時失和灾害流生星

宿錯綜以告不祥國土擾亂兵病並行帝王

憂傷兆民無寧謹依大法披露真文皈命

上方无極太上靈寶天尊已得道大聖衆至

真諸君丈人三十二天帝君王京玄都紫微

上宮諸真人玉女神仙諸靈官今故立齋披

心露形引求自剋為國謝殃燒香然燈照曜

諸天下暎无極長夜之中九幽之府開諸光

明願以是功德為

帝主國王君官吏民解灾却患三景復位五

行順常兵止病愈國祚興隆兆民懽泰人神
安寧今故燒香皈身皈神皈命師尊大聖眾
至真之德得道之後昇入無形與道合真

叩頭自持各八十八過止次向東南下方

十二拜言曰

天地否激陰陽相刑四時失和災害流生星

宿錯綜以告不祥國土擾亂兵病並行帝王

憂傷兆民無寧謹依大法披露真文皈命

下方无極太上靈寶天尊已得道大聖眾至

真諸君丈人九壘土皇四司五帝十二仙官

五嶽四瀆九宮真人神仙玉女无極世界地

祇諸靈官今故立齋披心露形引求自剋為

國謝殃燒香然燈照曜諸天下映无極之中

九幽之府開諸光明願以是功德為

帝主國王君官吏民解灾却患三景復位五

行順常兵止病愈國祚興隆兆民懽泰人神

安寧今故燒香皈身皈神皈命師尊大聖眾

至真之德得道之後昇入無形與道合真

叩頭自持各一百八過止次旋行三匝誦

步虛靈章 次復爐

香官使者左右龍虎君捧香驛龍騎吏官令
請宣齋堂生自然金液丹碧芝英百靈眾真
交會在此香火爐前令臣得道遂獲神仙舉
家蒙福天下受恩十方玉童玉女侍衛香煙
傳臣所啓徑御

无極大上大道御前

飛天神人曰凡行道日數多少自適人所為

雖有四時數依五行用度至於三日三夜苦

請丹心亦感徹於諸天學士自可量節而行事

飛天神人曰凡國王帝主穰灾度厄用五方

紋繒隨方尺數龍用上金命繒用紫紋法天

家之重庶民用綬繒龍用中金然燈請乞同

於上法有違考屬天官玄都曹

飛天神人曰受靈寶真文十部妙經以金龍

三枚投於水府及靈山所住宅中合三處為

學仙之信不投此三官拘人命籍求乞不違

法依玉訣之文有違考屬地官九都曹

飛天神人曰受靈寶真文十部妙經以紋繒五

方之綵各四十尺以關五帝為告盟之信關

則五帝不受人名為五帝魔王所壞使人志

念不專考屬水官東曲曹

飛天神人曰受靈寶真文十部妙經法用上

金五兩以盟五嶽為寶經之信關則犯慢經

之科五嶽靈山不領人學籍違者考屬陰官曹

飛天神人曰受靈寶真文十部妙經以金錢

二百四十以質二十四悉生官重真之信關

則三部八景之神不度人命籍無金錢者銅

錢六百準犯之考屬都神曹

飛天神人曰學士不明然燈燒香七祖不得

開度長夜之府九幽之中身無光明考屬太

陰曹

飛天神人曰學士不持齋奉戒七祖不得上

昇天堂身無香潔不致神明至士能持齋戒

則思念立感功應自然有違考屬太陽曹

飛天神人曰天文秘重非信不實故上聖以

信效心無信則為賤道無盟則為輕寶有違

考屬左右官曹

飛天神人曰經不師受五帝無盟妄披其篇

目罪同竊經之科考屬明法曹

飛天神人曰受經之身先信未佩後遇賢人

齋信請受皆當以所受之信完補先師之限
餘者可為身法用有違考屬大官曹

飛天神人曰受經法信當十分折二送祖師
又折二散乞貧人山棲道士餘信管已法用
燒香然燈為弟子立功有違考屬三官曹

飛天神人曰受經中悔放散天文考屬司非
曹三年滅種長夜

不輕忽三寶不泄露真經不欺師違義不稱
已功名不輕天慢地不毀辱三先不穢汚五
嶽不凌藉神明不口是心非不妬害賢能不
慳惜施功不貪欲自榮

飛天神人曰明真科文戒於罪福品目如上
至士精心修科奉法不違經典冥感自然天
亮爾心七祖立得開度九幽長夜之中上昇
天堂衣食自然早得更生王侯之門見世先
明慶福難勝勤行弗怠克獲神仙矣

洞玄靈寶長夜之府九幽玉墮明真科

太上元始天尊說北帝伏魔神咒妙經卷第一

上清三洞經錄碧霄洞華太玄靈寶靈寶

叙議品

道言昔於龍漢元年甲午之歲

元始天尊居上元之殿八景天都安五雲寶

座垂十絕靈幡與三十二天帝十極真人玉

童玉女三景丈人侍衛大威力魔王八景大

神飛龍騎吏無鞅數眾碧落空歌天樂搖曳

演說真一妙法是時上元天都東北方振動

天門忽闢下觀乃有鬱勃血光參雜之氣幽

冥冥從人間東北方上衝天宮盤結不散其氣

皆腥羶臭穢大衆咸驚默然不敢發問是時法

會中有一真人名曰妙行福德充備瞻仰整

頓而出欽簡跼步再拜長跪上白

天尊臣聞至真妙域明絕非祥無何之鄉本

除怪異臣侍道君已經萬劫未嘗有此異見

奈何今日法會之中觀此穢結黑毒血光之

氣紛雜衝天是何灾祥恩惟至聖重宣妙典

令破眾疑得究其源令學道之者咸生敬向

是時

元始天尊良久微笑發言汝等當知靜默安

神而為汝說下元生人皆從此界降下氤氳

真一之形皆備三萬六千神氣清淨扶衛久

為陰魔忘源失本今三九數終鬼魔流行信

著邪道不依道源為諸神雜體為諸陰魔邪

鬼所亂心生兇惡殺害群生以同神鬼諂求

餘福曆數將終顛狂淫亂不孝不忠不慈不

義好樂邪道今為六天鬼神枉有所傷若男

若女若老若少未盡天年橫被夭傷死魂未

散結成惡氣怨怒上衝卿當省知是時妙行

聞是說已心大驚怖上白

天尊言彼六天鬼神不審備何威力有何神

通得於人間行種種刑害殺傷生人無所畏

懼諸法皆不能禁止唯願為臣分別解說臣

雖墮愚頑假聖力知其所始往彼救護令得

下元生人免遭非橫

天尊告妙行曰從此天界正北方過此太溟

無鞅里數窮北方之極有一世界名曰五氣

玄天洞陰朔單鬱絕之園中有帝君名曰太

陰五靈玄老黑帝靈君侍佐助理名曰玄滋天